

Директор жанындағы екінші отырыс

№ 2

2021-2022 оқу жылы

Түркістан қаласы

04.09.2021

Қатысқаны: 40

Қатыспағаны: 2

Күн тәртібінде:

1. Президент жолдауын өзара талқылау.
2. «Бағалау жүйесі» А.Бимырзаева
3. Үйірме, факультатив, қолданбалы және таңдау курстарының ұйымдастырылуы.
4. Оқушылардың сабаққа қатысуын талдау.
5. Қорытынды аттестациялау мен жұмыс жоспарын бекіту.
6. Түрлі мәселелер

Қаралды:

1) Президент жолдауын өзара талқылау.

Күн тәртібіндегі мәселе бойынша *мектеп директоры Қуатбекова Р.Т.* сөз алып, 2021 жылдың I қыркүйегінде шыққан "Жаңа жағдайдағы Қазақстан: іс-қимыл кезеңі" атты мемлекетіміздің басшысы Қасым-Жомарт Тоқаевтың Қазақстан халқына арналған Жолдауын терең түсініп, өзара талқылауды ұсынды.

Орыс тілі пәнінің мұғалімі Ниязова Г.: Президентіміздің осы жолдауының 5-ші бөлімі "Қолжетімді әрі сапалы білім" деп аталған. Бұл бөлімде пандемия салдарынан дүниежүзі мектеп оқушыларының басым көпшілігі қашықтан оқуға көшкендігі, ал бұл өз кезегінде жұмыс тәсілі мен мазмұны түбегейлі өзгергендігі айтылған. Қашықтан оқыту ісін ұйымдастыруға әлі күнге дейін нақты бір тұрақты платформа жоқ. Мұғалімдер мен ата-аналар күндіз- түні "Whats App" тан бас көтере алмайтындығын, шұғыл түрде онлайн білім беру платформасын әзірлеу керектігі алға тартылады. Күнделікті мәселелерді шешумен қатар, балалардың бәріне бірдей мүмкіндік туғызу үшін жүйелі шаралар қабылдау қажет. Балалар қай жерде тұрса да, қандай тілде оқыса да сапалы білім алу керектігін тапсырды. Осы кезекте оқушыларымыздың барлығы дерлік сапалы білім алуы үшін, біз ұжым тарапынан жан-жақты әдіс тәсілдерді пайдалана отырып нақты жүйелі білім беруді бағыттып бекітіп алуымыз керек деп ойлаймын.

2) «Бағалау жүйесі»

Мектеп директорының оқу ісі жөніндегі орынбасары Бимырзаева А. күн тәртібі бойынша «Бағалау жүйесі» тақырыбында баяндама жасады. Баяндамада қазіргі заман талабына сай жаңартылған білім берудің маңыздылығы жайлы, жаңартылған білім мазмұны бойынша критериялды бағалау, ойын арқылы оқушылардың оқу белсенділіктерін арттыру туралы айтып өтті. Сонымен қатар білім алушылардың жетістігін бақылау электрондық журналда жүргізілетіндігі туралы айтылды, журналды жүргізу тәртібі тағы бір

талқыланды. БЖБ және ТЖБ алыну тәртібін, өткізілетін пәндер тізімін талқылады. 2-11 сыныптарда БЖБ және ТЖБ өткізілетін пәндердің саны мен атауларын көрсететін әдістемелік ұсыныстарға және 1-сыныпты бағалау жүргізілмейтіндігіне тоқталып нақтылады.

Баяндама бойынша сұрақтар қойылды.

3) Үйірме, факультатив, қолданбалы және таңдау курстарының ұйымдастырылуы.

Мектеп директорының оқу ісі жөніндегі орынбасары Бимырзаева А. сөз алып үйірме, факультатив, қолданбалы және таңдау курстарының ұйымдастырылуы қалай жүзеге асырылатынын «Білім беру объектілеріне қойылатын санитариялық-эпидемиологиялық талаптар» санитариялық қағидаларына 3-қосымша *Жалпы білім беретін ұйымдардағы апталық оқу жүктемесін көрсету арқылы түсіндірді. (Қосымша 1) Педагогтардың оқу жүктемесін бекітті.*

4) Оқушылардың сабаққа қатысуын талдау.

Бастауыш пәнінің мұғалімі Сейдуалиева Л. оқушылардың сабаққа қатысуы мәселесі бойынша ұжымға сөз сөйледі.

Мектеп директорының оқу ісі жөніндегі орынбасары Бимырзаева А.: Коронавирустық пандемия салдарынан білім алушылардың қашықтан білім алуы оқушылардың сабаққа қатысуын жан жақты қадағалауды және оқу үрдісінің нақты жүйелі ұйымдастырылуына үлкен талап қойды.

- Педагогтердің оқу жүктемесін бөлу тарификациялық тізім және мектептің 2021-2022 оқу жылына арналған жұмыс оқу жоспары негізінде жүзеге асырылады.
- 2021-2022 оқу жылы мектепте мәдени-бұқаралық және спорттық-бұқаралық іс-шаралар толығымен іске қосылады.

5) Қорытынды аттестациялау мен жұмыс жоспарын бекіту.

Мектеп директорының оқу ісі жөніндегі орынбасары Бимырзаева А.: Құрметті әріптестер, 2-4 сыныптарға арналған тоқсандық қорытынды бақылау жұмыстарына аса мән берілуі қажет.

Келесі кезектегі іс-шаралар оқу жұмыс жоспарына сәйкес өткізуді жоспарлап отырмыз: Бастауыш сыныптар онкүндігі - ақпан айында, ал қалалық олимпиада наурыз айында өткізіледі. Барша ұстаздарға оқу жылында-қашықтық олимпиадалар, сайыстар, интеллектуалды марафондарға қатысу міндеттеледі. Сонымен қатар БАҚ-на материалдарын жариялау ұсынылады. Бастауыш сынып мұғалімдерінің сапалы тізімін қайта тапсыру жоспарлануда.

Отырыстың шешімі:

1. "Қолжетімді әрі сапалы білім" аясында педагогтар жүйелі әрі сапалы білім беруді ұйымдастыру..
2. Бастауыш сыныптарда оқушылардың оқу нәтижелерін бағалауды нәтижелі жүзеге асыру.

3. Үйірме, факультатив, қолданбалы және таңдау курстары Жалпы білім беретін ұйымдардағы апталық оқу жүктемесіне сәйкес жүктеу.
4. Сыныптардың оқу процесін ұтымды ұйымдастыру, қашықтан оқытуды қатаң қадағалау.
5. Қорытынды аттестациялау мен жұмыс жоспарын бекіту.

Төрайымы: Р.Т. Куатбекова

Хаттама толтырған: Т.Орынбаева



«Керемет» бастауыш мектеп- балабақша кешені жалпы жиналысы

Директор жанындағы екінші отырысқа қосымша кезектен тыс жиналыс

№ 2/1

2021-2022 оқу жылы

Күн тәртібінде:

«ҚР Президентінің 2021 жылы 1-қыркүйектегі Президентіміз

Қасым-Жомарт Тоқаевтың Жолдауын» талдау (қашықтықтан өткізілген жиналыс)

Күні: 10.09.2021ж

Қатысқандар – 42

Қатыспағаны – 0

Тыңдалды

«Керемет» бастауыш мектеп- балабақша кешені ұжымында жалпы жиналыста Қазақстан Республикасы Президенті Қасым-Жомарт Тоқаевтың кезекті Жолдауы талданды. Мектеп директоры Р.Т. Куатбекова биылғы Елбасы Жолдауының мазмұрымен таныстырды.

«ХАЛЫҚ БІРЛІГІ ЖӘНЕ ЖҮЙЕЛІ РЕФОРМАЛАР – ЕЛ ӨРКЕНДЕУІНІҢ БЕРІК НЕГІЗІ» деп аталды.

Биыл егемен ел болғанмызға 30 жыл толып отыр. Тәуелсіздік – біздің ең қастерлі құндылығымыз.

Қазақстан Тұңғыш Президентіміз – Елбасының дара саясатының арқасында табысты ел ретінде бүкіл әлемге танымал болды.

Ең басты жетістігіміз – біртұтас ел болып, жаңа мемлекет құрдық. Іргемізді бекітіп, еңсемізді тіктедік. Халықаралық қауымдастықтың белді мүшесіне айналдық. Тұрақты қоғам қалыптастырып, орнықты даму жолына түстік.

Біз қазіргі қиындықты міндетті түрде еңсереміз. Дегенмен, еліміздің жаңа геосаяси ахуалдағы ұзақ мерзімді дамуын естен шығармауымыз керек екеніне тоқталды. Біз азаматтарымыздың лайықты өмір сүруіне жағдай жасауға, олардың құқықтарын қорғауға, заң үстемдігін қамтамасыз етуге, жемқорлыққа қарсы күресті күшейтуге міндеттіміз.

Менің Қазақстан халқына биылғы Жолдауым мынадай мәселелерге арналады.

I. ПАНДЕМИЯДАН KEЙІНГІ KEZEҢДЕГІ ЭКОНОМИКАЛЫҚ ДАМУ

Орталық Азиядағы экономикасы ең ауқымды ел саналатын Қазақстан қазір пандемияның зардабын тартуда. Дегенмен, қиындықтарға қарамастан, бағдарымызды берік ұстанып келеміз.

Біз орта мерзімді экономикалық саясатымызды айқындап, мемлекеттік бастамаларды реттеу үшін 2025 жылға дейінгі дамудың Ұлттық жоспарын және Мемлекеттік жоспарлаудың жаңа жүйесін қабылдадық. Ұлттық жобалар бекітілетін болады.

Стратегиялық мақсатымыз – Орталық Азиядағы көшбасшылық рөлімізді күшейту және әлемдік экономикадағы орнымызды нығайту.

2020 жылдың қорытындысы бойынша, индустрияландыру жүзеге асырылып жатқан 10 жыл ішінде тұңғыш рет өңдеу өнеркәсібінің экономиканы дамытуға қосқан үлесі тау-кен өндірісі саласынан асып түсті.

Орта мерзімдегі мақсатымыз – 2025 жылға қарай өңдеу өнеркәсібінің экспортын 1,5 есеге көбейтіп, 24 миллиард долларға жеткізу. Ал, еңбек өнімділігін 30 пайызға арттыру.

III. САПАЛЫ БІЛІМ БЕРУ

Биылғы қаңтар айынан бастап педагогика саласы қызметкерлерінің жалақысы 25 пайызға көбейді.

Алдағы үш жылда осы мақсатқа тағы 1,2 триллион теңге жұмсаймыз.

Қабылданған шаралар жемісін беріп жатыр. Педагогикалық мамандықты қалап, оқуға түскендердің орташа балы күрт өсті.

Біз ұстаздарды қолдау саясатын жалғастыра береміз.

Қазіргі жаһандық өзгерістер кезеңінде түлектің білімі еңбек нарығына шыққанға дейін-ақ жеткіліксіз болып қалуы әбден мүмкін. Сондықтан, құзырлы министрліктің алдында оқу бағдарламаларын жаңа жағдайға бейімдеу міндеті тұр. Бұл – кезек күттірмейтін шаруа. Пандемия кезінде қашықтан оқытудың нәтижесі ұлттық телекоммуникация желілерінің тиімділігі төмен екенін көрсетті.

Мұндай ахуал негізгі, қарапайым білімнің өзін меңгере алмаған оқушылардың саны артуына әкеп соқты. Тағы бір проблема, нағыз қиындық осы деуге болады, балалар оқуын тастап кетіп жатыр. Өйткені білім алуды қажет деп санамайтын болды.

Үкіметке бұл мәселемен, атап айтқанда қашықтан білім беруге қажетті ақпараттық жүйенің сапасын жақсартумен мықтап айналысуды тапсырамын.

Біздің білім беру жүйеміз қолжетімді әрі инклюзивті болуға тиіс.

Сонымен бірге, жағымды жаңалығымыз да бар. Биыл бірнеше оқушы халықаралық пән олимпиадаларының жеңімпаздары мен жүлдегерлері атанды.

Ондай дарынды балаларға жан-жақты қолдау көрсету қажет. Біз оларға жоғары оқу орнына түсу үшін конкурстан тыс гранттар береміз. Бір реттік ақшалай сыйақы да төлейміз.

Балалардың ұстаздарын да моральдық және материалдық тұрғыдан ынталандырған жөн. Тұрмысы төмен отбасында өсіп жатқан балаларға орта білім берудің жалпыға міндетті стандарты аясында қолдау көрсету айрықша маңызды.

Материалдық қолдау көрсету шараларын «Цифрлы ұстаз» білім беру жобасымен толықтырған жөн.

Білім беру жүйесіне жігерлі әрі білікті мамандар қажет.

Мұғалімдерді қазіргідей 5 жылда емес, 3 жылда бір рет қайта даярлықтан өткізуіміз керек деп санаймын. Өйткені олар шәкіртінің бойына жаңа білім сіңіре алатындай нағыз ағартушы болуға тиіс.

Бұл ретте, ұстаздардың курстан өту үшін өз қалтасынан ақша төлеуіне жол берілмейді. Орта білім беру жүйесіндегі өткір проблеманың бірі – мектептердегі орын тапшылығы. 225 мың оқушыға орын жетіспейді.

Шұғыл шара қабылдасак, 2025 жылға қарай орын тапшылығы 1 миллионға жетеді. Мен 2025 жылға дейін кемінде 800 мектеп салу туралы тапсырма берген болатынмын.

Бүгін оның санын бір мыңға жеткізуді міндеттеймін.

Мектептерді бюджет қаржысына салумен қатар, осы өзекті мәселені шешуге жеке секторды да тартқан жөн.

Толық білім беретін ауыл мектептерін оқушы санына қарай қаржыландыруға біртіндеп көше бастауымыз керек.

Балаларды ерте жастан мамандыққа бейімдеу айрықша маңызға ие болуда. Өскелең ұрпақ өзінің болашақ кәсібін саналы түрде таңдай білуге тиіс.

Үкімет "Атамекен" ұлттық кәсіпкерлер палатасымен бірлесіп, осы маңызды міндетті шешумен айналысуы керек.

Біз "Тегін техникалық және кәсіби білім беру" жобасын жүзеге асыруды жалғастырамыз.

Бүгінгі таңда NEET санатындағы 237 мың жас оқу да оқымайды, жұмыс та істемейді.

Жыл сайын мектеп бітірген 50 мың түлек оқуға ақылы негізде түседі. Олардың 85 пайызы – тұрмысы төмен отбасының балалары.

Бұл жағдайды түзету қажет. Сұранысқа ие барлық мамандық бойынша техникалық және кәсіби білім жүз пайыз тегін берілуі керек.

Мамандық алудың тағы бір мүмкіндігі армияда берілуге тиіс.

Мерзімді әскери қызметтегі сарбаздардың экономикадағы нақты сектор үшін қажетті жұмысшы мамандығын игеру мәселесін пысықтаған жөн.

Құзырлы министрлік жоғары білім беру сапасын арттыруды қамтамасыз етуге тиіс.

Жоғары оқу орындары мамандардың сапалы даярлануына жауап беруге міндетті.

Ғылымды дамыту – біздің аса маңызды басымдығымыз.

Бұл саладағы түйткілдердің шешімін табу үшін жылдың соңына дейін заңнамаға өзгерістер енгізу қажет.

Ең алдымен, жетекші ғалымдарымызға тұрақты және өз еңбегіне лайықты жалақы төлеу мәселесін шешу керек.

Мұны ғылымға бөлінетін базалық қаражат есебінен қамтамасыз еткен жөн.

Мен Ұлттық қоғамдық сенім кеңесінің отырысында іргелі ғылыммен айналысатын ғылыми-зерттеу институттарын тікелей қаржыландыру тәртібін енгізуді тапсырдым.

Құзырлы министрлік осындай ғылыми мекемелерді іріктеудің және қаржыландырудың айқын әрі ашық ережесін әзірлеуі керек.

Келесі мәселе. Грант мерзімінің үш жылмен шектелуі іргелі ғылымды дамытуға едәуір кедергі келтіріп отыр.

Осындай қысқа жоспарлау мерзімінде қандай да бір нәтижеге қол жеткізудің өзі қиын екені анық.

Ғылым саласын гранттық қаржыландыру мерзімін бес жылға дейін ұзарту мәселесін қарастырған жөн.

Ұлттық ғылыми кеңестер шешімдерінің әділдігі туралы мәселе де күн тәртібінен түспей тұр.

Осыған орай, апелляция институтын енгізу қажет деп санаймын.

Жалпы, еліміздің білім беру және ғылым саласының алдында кезек күттірмес ауқымды міндет тұр.

Бұл – уақыт талабына сай болумен қатар, әрқашан бір адым алда жүріп, тың жаңалықтар ұсына білу деген сөз.

Шешім : Жолдауда көтерілген осындай маңызды уақыт талабына сай жасалып отырған жұмыстарды дер кезінде іске асыруға атсалысуға ұжым мүшелерінің бір кісідей жұмылуға шақырамын. Мектебіміздегі оқушылардың сапалы білім алуын қамтамасыз ету мақсатында таңдап алынған білім беру платформасын толық меңгеруге және оқушылардың барлығына қолжетімді болуын қадағалауды Жолдауда көтерілген мәселелерді басшылыққа ала отырып жұмыс жүргізуге шақырамын.